

LEONTODON GRÆCUM Boiss. et Heldr.

L. perenne totum pilis brevissimis apice 3-5 furcatis canescens asperulum, rhizomate indurato basi nudo ramoso cæspitoso, foliis omnibus radicalibus lanceolatis pinnatipartitis vel profundè pinnatifido-sublyratis segmentis triangularibus vel angustè lineari-lanceolatis acutis terminali majori acuto, caulibus scapiformibus folia pluries superantibus monocephalis rariùs dicephalis præter squamulam linearem nudis sub capitulo demùm clavato incrassatis, involucri squamis adpressiusculis ab infimis brevioribus ad interiores sensim auctis linearibus acutis ad totam faciem exteriorem pilis minimis ramosis pulverulento-puberulis inferioribus prætereà secùs lineam mediam pilis furcatis elongatis obsitis, ligulis subtùs pallidè rubellis involucrio sesquolongioribus, acheniis cylindricis supernè attenuatis erostratis tuberculato-scarbis pappo albo eis breviori superatis, pappi setis omnibus a basi plumosis exterioribus subbrevioribus.

Hab. in montibus Græciæ, *Lycabetto*, *Pentelico*. (Spruner. Boiss.)

Var. β *alpinum*. — Omnibus partibus minùs, indumentum magis griseum minùs abbreviatum, capitula minora et achenia paulò magis abbreviata.

Hab. in locis excelsioribus Taygeti loco *Choupata* dicto (Heldreich), in *Græciâ* loco non notato. (Aucher N° 3334.)

Folia in formâ vulgatiore 3-6 pollicaria profundè laciniata. Scapi 6-12 pollicares, capitula magnit. eorum *L. asperi* inter quod et *L. saxatile* medium est. A. *L. saxatili* differt pilis multò brevioribus 4-5 nec trifurcatis, scapis sæpè furcatis, capitulis plerumquè majoribus, involucri phyllis præter setas medianas pulverulento-hirtis nec glabris, ligulis magis elongatis. *L. asperum* habitu affinius distinctissimum est pilis longioribus sparsis, phyllis involucri margine eleganter pilis 5-7 fidis densissimè ciliatis et præter setas nonnullas secùs lineam mediam glabris. *L. biscutellæfolium* DC. deniquè pro quo am. Spruner nostram plantam habuerat in herb. DC. observatum longè differt squamis involucri longè acuminatis subrecurvis, achenio in rostrum manifestè attenuato, et (saltem planta Italica typus speciei) probabiliter ad *L. saxatilis* formas spectat.

LEONTODON LIBANOTICUM Boiss.

L. totum indumento denso adpresso pilis brevibus densis apice 3-4

furcatis constante canescens, rhizomate indurato nudo cæspitose, foliis omnibus radicalibus lanceolatis obtusiusculè et irregulariter dentatis crispulis in petiolum attenuatis, scapis simplicibus vel imâ basi divaricatim furcatis supernè squamulis pluribus lineari-setaceis obsitis sub capitulo subincrassatis, involucri phyllis ab exterioribus subpatulis ad intima sensim elongatis acutis margine densè et tenuissimè sub lente albo-ciliolatis cæterùm glabris glaucis, ligulis concoloribus corollæ tubo æquilongis, acheniis cylindricis supernè subattenuatis muriculatis pappo eis paulò breviori superatis, setis pappi omnibus a basi plumosis exterioribus paulò brevioribus.

Hab. in *Libano* suprâ Cedros. (Boiss.)

Planta semipedalis, folia 1-2 lineas longa 4-5 lin. lata. A *L. saxatili* distinctum foliis tantùm dentatis, indumento magis canescenti, involucri phyllis præter ciliola marginalia brevissimis glabris etc. *L. asperum* differt ciliis phyllorum multò validioribus nec pruinæformibus, pilosque totius plantæ sparsos multò majores habet.

LEONTODON KOTSCHYI Boiss. in Kotsch. pl. Pers. bor. 1846.

L. perenne cæspitosum totum pilis brevissimis stellatis densè obsitum pannosum canescens, foliis omnibus radicalibus angustè lanceolatis in petiolum attenuatis remotè et acutè dentatis, caulibus scapiformibus simplicibus vel ramo auctis parcissimè squamulosis sub capitulo incrassatis, involucri phyllis margine et secùs lineam mediam brevissimè stellato-puberulis cæterùm glabris omnibus adpressis imbricatis ab infimis brevissimis ad intima lanceolato-linearibus sensim auctis, ligulis concoloribus basi pilosis tubo æquilongis, acheniis...

Hab. in monte *Demawend* alt. 6600'. Kotsch. N° 341.

Folia 3-4 poll. longa, 4-5 lin. lata, scapi 7-8 pollicares. Hanc speciem quoad achenia ignotam dubitanter propono; *L. Libanotico* imprimis affinis ab eo differt scapis erectis, phyllis involucri regulariùs imbricatis elongatis adpressis, foliis remotè dentatis. Ob phylla latiuscula regulariter imbricata *L. asperimum* cæterùm diversissimum refert.

LEONTODON OXYLEPIS Boiss. et Heldr.

L. totum pilis brevissimis stellatim furcatis canescens asperulum, rhizomate indurato ramoso cæspitose, foliis lanceolatis elongatis in petiolum longum attenuatis remotè et acutè dentatis acutis omnibus